

অধ্যায়-২

বাজারজাতকরণ তত্ত্ব ও কৌশল

SOS

অতি সংক্ষিপ্ত প্রশ্নোত্তর :

**** ১। প্রয়োজন কাকে বলে?**

উত্তর : প্রয়োজন : প্রয়োজন বলতে এমন কিছু বোঝায় যা আমাদের জীবনে অপরিহার্য। দৈনন্দিন জীবনে বেঁচে থাকার জন্য বিভিন্ন দ্রব্যসামগ্রী ও সেবার আবশ্যকতা অনুভব করাকে প্রয়োজন (Need) বলে। যেমন : খাদ্য, বস্ত্র, পানি, বাসস্থান, শিক্ষা ইত্যাদি।

***** ২। অভাব কাকে বলে?**

বাকাশির্বো- ২০২৪

উত্তর : অভাব : অভাব বলতে এমন একটি অবস্থা বোঝায় যেখানে কোনো প্রয়োজনীয় জিনিসের ঘাটতি থাকে। সমাজ বা ব্যক্তিত্ব দ্বারা প্রভাবিত হয়ে প্রয়োজন যখন দ্রব্য সামগ্রী ও সেবার আকারে প্রকাশ পায় তখন তাকে অভাব (Want) বলে।

**** ৩। চাহিদা কাকে বলে?**

বাকাশির্বো- ২০২৪

উত্তর : চাহিদা : কোনো দ্রব্য বা সেবার অভাব থাকলে এবং সেটি ক্রয় করার জন্য অর্থ ব্যয় করার ইচ্ছা ও সামর্থ্য থাকলে তাকে চাহিদা (Demand) বলে। অর্থনীতিতে শুধু ইচ্ছা থাকলেই চাহিদা হবে না, এর সাথে অবশ্যই ক্রয় ক্ষমতাও থাকতে হবে।

***৪। পণ্য কাকে বলে?

উত্তর : পণ্য : ভোক্তার প্রয়োজন ও অভাব পূরণ করতে পারে এমন যা কিছু বাজারে বিক্রয়ের জন্য ছাড়া হলে তাকে পণ্য বলে। পণ্য দৃশ্যমান বা অদৃশ্যমান হতে পারে।

অথবা, ক্রেতার অভাব এবং প্রয়োজনের সন্তুষ্টি বিধান করতে পারে এমন সকল বিষয়কেই পণ্য বলে।

নোট :— দৃশ্যমান পণ্যসমূহকে দ্রব্য বলা হয়। অদৃশ্যমান পণ্যসমূহকে সেবা বলা হয়।

*** ৫। সেবা কাকে বলে?

বাকাশিবো- ২০২৩

উত্তর : সেবা : সেবা হচ্ছে এমন কতগুলো কাজ বা সুবিধা যা ভোক্তাদের প্রয়োজন ও অভাব পূরণ করতে পারে, যেগুলো দৃশ্যমান কিন্তু স্পর্শযোগ্য নয়। যেমন : স্বাস্থ্য সেবা, শিক্ষা সেবা, পরিবহন সেবা, ব্যাংকিং সেবা ইত্যাদি।

৬। ভ্যালু কাকে বলে?

উত্তর : ভ্যালু : ভ্যালু বলতে কোনো পণ্য বা সেবা ক্রেতার জন্য কতটা মূল্যবান তা বুঝায়। ইহা শুধুমাত্র দামের উপর নির্ভর করে না বরং পণ্যটি ক্রেতার প্রয়োজন পূরণ করে কিনা, ক্রেতার জীবনকে কতটা সহজ করে তোলে এবং ক্রেতার কাছে কতটা গুরুত্বপূর্ণ সেই সকল বিষয়ের উপরও নির্ভর করে।

৭। ক্রেতা ভ্যালু কাকে বলে?

উত্তর : ক্রেতা ভ্যালু : কোনো পণ্য ক্রয় ও ব্যবহারের মাধ্যমে ক্রেতা যে উপকারিতা পায় এবং পণ্যটি অর্জনের জন্য যে অর্থ ব্যয় করে, এ দুইয়ের পার্থক্যকে ক্রেতার ভ্যালু বলে।

অথবা, পণ্য ব্যবহারের উপকারিতা ও পণ্যের ক্রয়মূল্যের পার্থক্যকে ক্রেতা ভ্যালু বলে।

**** ৮। ক্রেতা সন্তুষ্টি কাকে বলে?**

বাকাশিবো- ২০২৩

উত্তর : ক্রেতা সন্তুষ্টি : ক্রেতার প্রাপ্তির সাথে তার প্রত্যাশার তুলনা করে যে আনন্দ সৃষ্টি হয়, তাকে ক্রেতা সন্তুষ্টি বলে। এটি সাধারণত ক্রেতার প্রত্যাশা এবং প্রাপ্তির মধ্যে পার্থক্যের উপরই নির্ভর করে।

**** ৯। বিনিময় কাকে বলে?**

উত্তর : বিনিময় : কোনো কিছু প্রদানের মাধ্যমে অন্যের কাছ থেকে কাঙ্ক্ষিত পণ্য লাভের উপায়কে বিনিময় বলে।

যেমন : বাজারে গিয়ে টাকার বিনিময়ে খাবার কেনা।

*** ১০। বাজার বলতে কী বুঝায়?**

উত্তর : বাজার : একটি নির্দিষ্ট পণ্য বা সেবা তার ক্রেতা ও বিক্রেতাদের প্রত্যক্ষ বা পরোক্ষ দর কষাকষির মাধ্যমে নির্ধারিত দামে ক্রয় বিক্রয়ের স্থানকে বাজার বলে।

অথবা, বাজার হচ্ছে বর্তমান ও সম্ভাব্য ক্রেতার সমষ্টি যাদের কোনো নির্দিষ্ট পণ্য ক্রয়ের আর্থিক সামর্থ্য ও ইচ্ছা আছে।

অথবা, বাজারজাতকরণে বাজার বলতে কোনো পণ্যের বর্তমান ও সম্ভাব্য ক্রেতা সমষ্টিকে বুঝায়।

**** ১১। বাজার বিভক্তিকরণ বলতে কী বুঝায়?**

উত্তর : বাজার বিভক্তিকরণ : বাজার বিভক্তিকরণ বলতে কোনো বৃহৎ বাজারকে সমজাতীয় বৈশিষ্ট্যের ভিত্তিতে ছোট ছোট অংশে বিভক্ত করা হয়, যেখানে প্রতিটি অংশের ক্রেতাদের চাহিদা, বৈশিষ্ট্যসমূহ প্রায় একই রকম হয়।

অথবা, বাজার বিভক্তিকরণ হলো একটি প্রক্রিয়া যার মাধ্যমে একটি বৃহৎ বাজারকে সমজাতীয় বৈশিষ্ট্য ও আচরণের ভিত্তিতে কয়েকটি ছোট বাজারে বিভক্ত করা হয়।

*** ১২। SWOT বিশ্লেষণ কী?

বাকশির্বো- ২০২৪

উত্তর : SWOT বিশ্লেষণ : কোনো প্রতিষ্ঠানের সবলতা, দুর্বলতা, সুযোগ, হুমকি চিহ্নিত করাই হচ্ছে SWOT বিশ্লেষণ ।

SWOT এর পূর্ণরূপ হচ্ছে-

S = Strength (শক্তি),

W = Weakness (দুর্বলতা),

O = Opportunity (সুযোগ),

T = Threats (হুমকি)

SOS

সংক্ষিপ্ত প্রশ্নোত্তর :

**** ১। মার্কেটিং মিশ্রণ বলতে কী বুঝায়?**

বাকাশিবো- ২০২৩

উত্তর : মার্কেটিং মিশ্রণ : মার্কেটিং মিশ্রণ বলতে বিভিন্ন উপাদানের সংমিশ্রণ বুঝায়, যা একটি প্রতিষ্ঠান তার পণ্য বা সেবা বাজারজাত করার জন্য ব্যবহার করে। এর উপাদানগুলো হলো- পণ্য, মূল্য, স্থান, প্রচার। এটি সাধারণত 4 P's হিসেবে পরিচিত।

মার্কেটিং মিশ্রণের মতবাদ :

*** Philip Kotler & Gary Armstrong** এর মতে, “বিপণন মিশ্রণ হলো নিয়ন্ত্রণযোগ্য কৌশলগত বিপণন হাতিয়ার- পণ্য, মূল্য, বণ্টন ও প্রসার এর সেট যা কোনো প্রতিষ্ঠান অভীষ্ট বাজারে প্রত্যাশিত সাড়া পাবার জন্য সংমিশ্রণ করে।”

*** William J. Stanton** এর মতে, “বাজারজাতকরণ মিশ্রণ পদটি ৪ (চার) টি উপকরণের সমন্বয় বর্ণনা করতে ব্যবহৃত হয়, যা সংগঠনের বাজারজাতকরণ ব্যবস্থার মূল বিষয়টি গঠন করে।”



**** ২। বিক্রয়োত্তর সেবা কেন প্রয়োজন? ব্যাখ্যা কর।**

উত্তর : বিক্রয়োত্তর সেবা যে সকল কারণে প্রয়োজন-

- i) গ্রাহক সন্তুষ্টি : বিক্রয়োত্তর সেবা গ্রাহকদের সন্তুষ্টি বৃদ্ধি করে এবং তাদের সমস্যাগুলি দ্রুত সমাধান করতে সহায়তা করে।
- ii) বিশ্বাস ও আস্থা : এটি গ্রাহকদের মধ্যে কোম্পানির প্রতি বিশ্বাস ও আস্থা বৃদ্ধি করে, যা ভবিষ্যতে পুনরায় ক্রয়ের সম্ভাবনা বাড়ায়।
- iii) ব্র্যান্ডের সুনাম : ভালো বিক্রয়োত্তর সেবা কোম্পানির ব্র্যান্ডের সুনাম বৃদ্ধি করে এবং বাজারে প্রতিযোগিতামূলক সুবিধা প্রদান করে।
- iv) সমস্যা সমাধান : পণ্য বা সেবায় ক্ষেত্রে কোনো সমস্যা হলে তা দ্রুত সমাধান করা যায়, যা গ্রাহকদের অসন্তুষ্টি কমায়।
- v) গ্রাহক ধরে রাখা : ভালো বিক্রয়োত্তর সেবা গ্রাহকদের ধরে রাখতে সহায়ক, যা দীর্ঘমেয়াদী ব্যবসার জন্য লাভজনক।

**** ৩। বাজারজাতকরণে 7P সমূহ কী কী?**

বাকাশিবো-২০২৫

উত্তর : বাজারজাতকরণে 7P সমূহ বাজারজাতকরণ মিশ্রণের ৭ (সাত) টি উপাদানকে বুঝায়। উপাদানগুলো হলো-

- i) Product (পণ্য)
- ii) Promotion (প্রসার/বিজ্ঞাপন)
- iii) People (মানুষ)
- iv) Process (প্রক্রিয়া)
- v) Place (স্থান)
- vi) Price (মূল্য)
- vii) Physical Evidence (প্রমাণ)

**** 8 ।** বাজারজাতকরণে 4C's এবং 4P's এর মধ্যে তুলনা কর ।

উত্তর : নিম্নে বাজারজাতকরণে 4C's এবং 4P's এর মধ্যে তুলনা আলোচনা করা হলো-

- ১) 4P's একটি ব্যবসায় এবং বাজারজাত কৌশলের অভ্যন্তরীণ প্রক্রিয়ায় হয়ে থাকে, যেখানে 4C's গ্রাহকদের কীভাবে প্রভাবিত করা যায় তার উপর ফোকাস করে ।
- ২) 4C's হলো বাজারজাতকরণ মিশ্রণ এবং বাজারের অংশীদারিত্ব অর্জনের একটি কাঠামো । অপরদিকে 4C's গ্রাহক সেবা মডেলের অংশ ।
- ৩) 4P's সম্ভাব্য গ্রাহকদের কাছে নির্দিষ্ট ব্র্যান্ড প্রচারের কাজ করে, অন্যদিকে 4C's গ্রাহক সেবাকে ব্যক্তিগতকরণ এবং ব্যক্তির সাথে মিথস্ক্রিয়া নিয়ে কাজ করে ।
- ৪) 4P's গ্রাহকদের কাছে পণ্যের তথ্য সরবরাহ করে, যেখানে 4C's গ্রাহকদের সম্পর্কে ব্যবসায়ীদের বাজারজাতকরণ সংক্রান্ত তথ্য সরবরাহ করে ।

**** ৫। সেবার বৈশিষ্ট্যগুলো কী কী?**

উত্তর : সেবা হচ্ছে এমন কতগুলো কাজ বা সুবিধা যা ভোক্তাদের প্রয়োজন ও অভাব পূরণ করতে পারে, যেগুলো দৃশ্যমান কিন্তু স্পর্শযোগ্য নয়।

সেবার বৈশিষ্ট্যগুলো নিম্নরূপ :

- i) সেবা স্পর্শ করা যায় না বা দেখা যায় না।
- ii) সেবা প্রদান ও গ্রহণ প্রায়শই একই সময়ে ঘটে।
- iii) সেবার মান এবং অভিজ্ঞতা বিভিন্ন সময়ে বিভিন্ন প্রদানকারী দ্বারা পরিবর্তিত হতে পারে।
- iv) সেবা ভবিষ্যতের জন্য সংরক্ষণ বা জমা রাখা যায় না।
- v) সেবা প্রতিবার একই রকম হয় না।
- vi) সেবা মানুষের প্রয়োজন ও অভাব পূরণে সক্ষম।

*** ৬। ক্রেতা সন্তুষ্টি কী? ব্যাখ্যা কর।**

উত্তর : ক্রেতার প্রাপ্তির সাথে তার প্রত্যাশার তুলনা করে যে আনন্দ সৃষ্টি হয়, তাকে ক্রেতা সন্তুষ্টি বলে। এটি সাধারণত ক্রেতার প্রত্যাশা এবং প্রাপ্তির মধ্যে পার্থক্যের উপরই নির্ভর করে।

M.A. Doula এর মতে, “পণ্য থেকে ক্রেতার প্রত্যাশা ও পণ্য থেকে ক্রেতার প্রাপ্তি এই দুইয়ের পার্থক্যকে ক্রেতার সন্তুষ্টি বলে।”

ক্রেতা সন্তুষ্টি নিশ্চিত করতে ব্যবসা প্রতিষ্ঠানগুলো নিম্নলিখিত বিষয়গুলোর উপর বেশি গুরুত্ব দেয়-

- i) পণ্যের গুণগত মান : পণ্য বা সেবার উচ্চ মান ক্রেতাদের সন্তুষ্টি বৃদ্ধি করে।

- ii) গ্রাহক সেবা : দ্রুত এবং কার্যকর গ্রাহক সেবা ক্রেতাদের সন্তুষ্টি বাড়াতে সহায়তা করে।
- iii) মূল্য : পণ্যের মূল্য এবং তার মানের মধ্যে সামঞ্জস্য থাকা প্রয়োজন।
- iv) ব্যবহারকারীর অভিজ্ঞতা : সহজ এবং সুবিধাজনক ব্যবহারকারীর অভিজ্ঞতা ক্রেতাদের সন্তুষ্টি বাড়ায়।
- v) পুনরায় বৃদ্ধি : সন্তুষ্টি গ্রাহকরা একটি ব্যবসার বৃদ্ধিতে গুরুত্বপূর্ণ ভূমিকা রাখে।

* ৭। মার্কেটিং-এর সাথে উৎপাদন ও ব্যবসায়ের সম্পর্ক দেখাও।

বাকশিবো- ২০২৪

উত্তর : মার্কেটিং বাজার গবেষণার মাধ্যমে ক্রেতার চাহিদা, রুচি ও ক্রয়ক্ষমতা সম্পর্কে তথ্য সংগ্রহ করে। এই তথ্যের ভিত্তিতে উৎপাদন বিভাগ সিদ্ধান্ত নেয়—কোন পণ্য, কী মানের এবং কত পরিমাণে উৎপাদন করা হবে। অর্থাৎ, মার্কেটিং উৎপাদন কার্যক্রমকে সঠিক দিকনির্দেশনা প্রদান করে। অন্যদিকে, উৎপাদিত পণ্য মার্কেটিংয়ের মাধ্যমে বাজারজাত করা হয়। সঠিক মূল্য নির্ধারণ, প্রচার ও বিতরণ ব্যবস্থার মাধ্যমে বিক্রয় বৃদ্ধি পায়। বিক্রয় বৃদ্ধি পেলে ব্যবসায়ের আয় ও লাভ বৃদ্ধি পায়। সুতরাং, মার্কেটিং, উৎপাদন ও ব্যবসা পরস্পর নির্ভরশীল এবং একে অপরের সহযোগিতায় প্রতিষ্ঠানের সফলতা নিশ্চিত করে।

* ৮ । সকল আকাঙ্ক্ষাই কী চাহিদা? ব্যাখ্যা কর ।

বাকাশিবো- ২০২৫

উত্তর : সকল আকাঙ্ক্ষাই চাহিদা নয় । অর্থনীতিতে আকাঙ্ক্ষা (Want) এবং চাহিদা (Demand) এক নয় ।

আকাঙ্ক্ষা হলো মানুষের কোনো কিছু পাওয়ার ইচ্ছা । মানুষের আকাঙ্ক্ষার শেষ নেই; একজন ব্যক্তি অনেক কিছুই চাইতে পারে, কিন্তু সবকিছু সে অর্জন করতে পারে না ।

অন্যদিকে, চাহিদা হলো এমন আকাঙ্ক্ষা, যার সঙ্গে ক্রয়ক্ষমতা এবং ক্রয়ের ইচ্ছা যুক্ত থাকে । অর্থাৎ, কোনো ব্যক্তি যদি কোনো পণ্য কিনতে চায় এবং তা কেনার জন্য প্রয়োজনীয় অর্থও তার থাকে, তখনই সেটি চাহিদা হিসেবে গণ্য হয় ।

উদাহরণস্বরূপ, একজন ছাত্র দামি মোবাইল ফোন পেতে চাইতে পারে—এটি তার আকাঙ্ক্ষা । কিন্তু যদি তার সেই মোবাইল কেনার মতো অর্থ না থাকে, তবে তা চাহিদা নয় ।

অতএব, বলা যায়—যে আকাঙ্ক্ষার সঙ্গে ক্রয়ক্ষমতা যুক্ত থাকে, কেবল সেটিই চাহিদা; তাই সকল আকাঙ্ক্ষা চাহিদা নয় ।

SOS**রচনামূলক প্রশ্নোত্তর :**

**** ১।** বাজারজাতকরণের মৌলিক ধারণাসমূহ চিত্রের মাধ্যমে উপস্থাপন কর।

বাকাশিবো- ২০২৪

উত্তর : বাজারজাতকরণের একমাত্র লক্ষ্য হচ্ছে ভোক্তাদের প্রয়োজন নির্ধারণ, পণ্য উৎপাদন, বণ্টন এবং ভোক্তাদের সন্তুষ্টি বিধান।

বাজারজাতকরণের মৌলিক ধারণাসমূহ নিম্নে আলোচনা করা হলো-


১) প্রয়োজন, অভাব, চাহিদা :

প্রয়োজন : দৈনন্দিন জীবনে বেঁচে থাকার জন্য বিভিন্ন দ্রব্যসামগ্রী ও সেবার আবশ্যকতা অনুভব করাকে প্রয়োজন (Need) বলে। বেঁচে থাকার জন্য মানুষের খাদ্য, বস্ত্র, বাসস্থান, নিরাপত্তা, চিকিৎসা, সেবা ইত্যাদি প্রয়োজন।

অভাব : সমাজ বা ব্যক্তিত্ব দ্বারা প্রভাবিত হয়ে প্রয়োজন যখন দ্রব্য সামগ্রী ও সেবার আকারে প্রকাশ পায় তখন তাকে অভাব (Want) বলে।

চাহিদা : কোনো দ্রব্য বা সেবার অভাব থাকলে এবং সেটি ক্রয় করার জন্য অর্থ ব্যয় করার ইচ্ছা ও সামর্থ্য থাকলে তাকে চাহিদা (Demand) বলে।

উদাহরণস্বরূপ বলা যায়, কোনো ব্যক্তির ক্ষুধা পেলে খাবার প্রয়োজন, এটাই হচ্ছে প্রয়োজন। যদি বাসস্থানের দরকার হয় তবে আবাসন (টিনের ঘর, বিল্ডিং, কাঠের ঘর) এর অভাববোধ করবে, এটাই হচ্ছে অভাব। আর্থিক সামর্থ্য অনুযায়ী ভোক্তা যখন ইটের তৈরি অটালিকা করার জন্য ইচ্ছা করে, সেই অটালিকাই হলো তার চাহিদা।



চিত্র : বাজারজাতকরণের মৌলিক ধারণা

২) পণ্য, সেবা ও অভিজ্ঞতা : ভোক্তার প্রয়োজন ও অভাব পূরণ করতে পারে এমন যা কিছু বাজারে বিক্রয়ের জন্য ছাড়া হবে তাকে পণ্য বলে। পণ্য দৃশ্যমান বা অদৃশ্যমান হতে পারে। খাতা, কলম, বই, টেবিল, চেয়ার ইত্যাদি দৃশ্যমান পণ্য। অন্যদিকে সেবা জাতীয় পণ্য হলো অদৃশ্যমান পণ্য। চিকিৎসকের চিকিৎসা, শিক্ষকের শিক্ষা দান, নাপিতের চুল কাটা ইত্যাদিকে সেবা বলা হয়।

অভিজ্ঞতা : কোনো বিষয়ে বিশেষ জ্ঞান বা দক্ষতা অর্জনকেই অভিজ্ঞতা বলা হয়। যা কোনো কার্যকলাপ, ঘটনা, পর্যবেক্ষণ বা পরিস্থিতির মাধ্যমে অর্জিত হয়।

৩) ভ্যালু এবং সন্তুষ্টি : একটি পণ্য অর্জন এবং ব্যবহারের মাধ্যমে ক্রেতার যে উপকারীতা পায় এবং পণ্যটি অর্জনের জন্য যে অর্থ ব্যয় হয় এদের পার্থক্যকে ক্রেতার ভ্যালু বলে। ভোক্তা তার প্রত্যাশার সাথে প্রাপ্ত সুবিধার তুলনা করে তার মধ্যে যে আনন্দ বা নৈরাশ্যের অনুভূতি সৃষ্টি হয় তাকে সন্তুষ্টি বা অসন্তুষ্টি বলে। ভোক্তা তার প্রত্যাশা অনুসারে পণ্য হতে সুবিধাসমূহ পেলে সন্তুষ্টি হবে এবং না পেলে অসন্তুষ্টি হবে। ভোক্তার ভ্যালু ও সন্তুষ্টি নির্ভর করে সার্বিক মান ব্যবস্থাপনার উপর।

৪) বিনিময়, লেনদেন এবং সম্পর্ক :

বিনিময় : ভোক্তা কোনো কিছু অর্পনের মাধ্যমে অন্যের কাছ থেকে কাঙ্ক্ষিত পণ্য লাভের উপায়কে বিনিময় বলে। এখানে দুইটি পক্ষ, বিনিময়যোগ্য পণ্য, প্রস্তাব গ্রহণ ও বাতিলের ক্ষমতা, যোগাযোগ প্রক্রিয়া এবং লেনদেনের ইচ্ছা থাকতে হবে।

লেনদেন : দুইটি পক্ষের মধ্যে মূল্য সম্পৃক্ত কোনো ব্যবসা হওয়াই হচ্ছে লেনদেন। যদি কোনো ছাত্র ১৫০০ টাকা দিয়ে কোনো লাইব্রেরি থেকে বই ক্রয় করে তবে এটাকে লেনদেন বলে।

সম্পর্ক : সম্পর্ক হচ্ছে বাজারজাতকরণের এমন একটি প্রক্রিয়া যার মাধ্যমে বিপণনের লক্ষ্য অর্জন পণ্য বা সেবার বিনিময়ের সাথে জড়িত পক্ষগুলোর ক্রেতা, বিক্রেতা, ভোক্তা, সরবরাহকারী, পরিবেশক ইত্যাদি এর মধ্যে দীর্ঘকালীন সুসম্পর্ক সৃষ্টি ও রক্ষা করা হয়।

৫) বাজার : পণ্য বা সেবা ক্রয় করতে সক্ষম এই রূপ বর্তমান এবং সম্ভাব্য ক্রেতার সমষ্টিকে বাজার বলা হয়। সাধারণত বাজারজাতকরণ কর্মকাণ্ড বাজারকে লক্ষ্য করেই পরিচালিত হয়।

*** ২। বাজারজাতকরণের দৃষ্টিকোণ থেকে SWOT Analysis বিশ্লেষণ কর।

বাকশিবো- ২০২৩

উত্তর : SWOT বিশ্লেষণ (Strength, Weakness, Opportunity, Threat) হলো কৌশলগত পরিকল্পনা যা ব্যবসার অভ্যন্তরীণ এবং বহিরাগত পরিবেশের মূল্যায়ন করতে ব্যবহৃত হয়।

নিচে SWOT বিশ্লেষণ আলোচনা করা হলো-

১) শক্তি (Strength) : শক্তি হলো এমন গুণাবলি যার মাধ্যমে প্রতিষ্ঠান লক্ষ্য অর্জনে সক্ষম হয়। শক্তি প্রতিষ্ঠানের উপকারী দিকসমূহ এবং সক্ষমতা প্রকাশ করে। যেমন : মানব দক্ষতা, পণ্য ও সেবাসমূহ, আর্থিক সংস্থান, প্রক্রিয়া ক্ষমতা, গ্রাহক ও ব্র্যান্ড, আনুগত্য ইত্যাদি। শক্তির উদাহরণ হচ্ছে- বিশাল আর্থিক সংস্থান, বিস্তৃত পণ্য লাইন, ঋণ না থাকা, প্রতিশ্রুতিবদ্ধ কর্মচারী ইত্যাদি।

২) দুর্বলতা (Weakness) : দুর্বলতা হচ্ছে ব্যবসায় প্রতিষ্ঠানের লক্ষ্য অর্জন করার ক্ষেত্রে যে সীমাবদ্ধতা থাকে। একটি প্রতিষ্ঠানের শক্তি সামর্থ্যের বিপরীত অবস্থাই হলো দুর্বলতা। প্রতিষ্ঠানের দুর্বলতা হচ্ছে- মূলধনের অভাব, জনশক্তির নিম্নমনোবল, ব্যবস্থাপনার অদক্ষতা, পুরাতন যন্ত্রপাতি ও প্রযুক্তির ব্যবহার, দুর্বল বাজার নেটওয়ার্ক, উচ্চস্তরের ঋণ ইত্যাদি।

৩) সুযোগ (Opportunity) : সুযোগ বলতে ব্যবস্থাপনার বাহ্যিক পরিবেশের ইতিবাচক দিকসমূহকে বুঝায়। উদাহরণস্বরূপ, যদি কোনো দেশ শুল্কহীন করে তবে কোনো গাড়ি প্রস্তুতকারক তার গাড়ি সেই দেশে নতুন বাজার হিসেবে রপ্তানি করে বিক্রয় এবং বাজারের অংশীদারিত্ব বাড়িয়ে তুলতে পারে।

৪) হুমকি (Threat) : হুমকি হচ্ছে প্রতিকূল পরিবেশ ও ঝুঁকি যা ব্যবসায়ের মুনাফা কমিয়ে দেয় ও বাঁধা সৃষ্টি করে। যেমন : পরিবহন ধর্মঘট অন্যান্য সাধারণ হুমকির মধ্যে উপকরণ ব্যয় বাড়ানো, প্রতিযোগিতা বাড়ানো, কঠোর শ্রম সরবরাহ ইত্যাদি রয়েছে।

SWOT বিশ্লেষণটি প্রতিষ্ঠানের শক্তি এবং সুযোগগুলিকে কাজে লাগিয়ে দুর্বলতা এবং হুমকিগুলোর বিরুদ্ধে কার্যকর পদক্ষেপ নিতে সহায়ক হয়।

* ৩। বাজারজাতকরণে ‘7P’ বর্ণনা কর।

উত্তর : বাজারজাতকরণে 7P মডেলটি একটি সমন্বিত বিপণন কৌশল যা পণ্য বা সেবা বিপণনে ব্যবহার করা হয়। ৭ টি P হলো- পণ্য (Product), মূল্য (Price), স্থান (Place), প্রচার (Promotion), মানুষ (People), প্রক্রিয়া (Process), বস্তুগত প্রমাণ (Physical Evidence)।

নিচে প্রতিটি উপাদান নিয়ে আলোচনা করা হলো-

পণ্য (Product) : পণ্য হলো সেই বস্তু বা সেবা যা একটি কোম্পানি গ্রাহকদের কাছে বিক্রি করে। পণ্যের গুণগত মান, বৈশিষ্ট্য, ব্র্যান্ডিং, প্যাকেজিং এবং গ্যারান্টি বা ওয়ারেন্টি ইত্যাদি বিষয়গুলি অন্তর্ভুক্ত।

মূল্য (Price) : মূল্য হলো সেই অর্থ যা গ্রাহককে পণ্য বা সেবার জন্য প্রদান করতে হয়। মূল্য নির্ধারণ কৌশল, ডিসকাউন্ট, অফার এবং অর্থ প্রদানের শর্তাবলী এখানে বিবেচনা করা হয়।

স্থান (Place) : পণ্যটি কোথায় এবং কীভাবে পাওয়া যাবে তা নির্ধারণ করে। এতে বিতরণ চ্যানেল, লোকেশন, স্টোর, ই-কমার্স প্ল্যাটফর্ম ইত্যাদি অন্তর্ভুক্ত। পণ্যটি সহজলভ্য এবং ক্রেতাদের জন্য সুবিধাজনক হতে হবে।

প্রচার (Promotion) : প্রচার সেই কার্যক্রম যা পণ্য বা সেবা সম্পর্কে গ্রাহকদের অবহিত করে এবং ক্রয় করতে উৎসাহী করে। বিজ্ঞাপন, সেলস প্রমোশন, পাবলিক রিলেশন, পার্সোনাল সেলিং এবং সরাসরি বিপণন ইত্যাদি অন্তর্ভুক্ত।

প্রক্রিয়া (Process) : প্রক্রিয়া হলো পণ্য উৎপাদন এবং গ্রাহক সেবা প্রদান করার পদ্ধতি। এটি কার্যক্রমের দক্ষতা, গ্রাহক সন্তুষ্টি এবং মান নিয়ন্ত্রণ নিশ্চিত করে।

মানুষ (People) : মানুষ সেই ব্যক্তি যারা পণ্য বা সেবা প্রদানে এবং গ্রাহকদের সাথে যোগাযোগে জড়িত। বিক্রয় কর্মী, গ্রাহক সেবা প্রতিনিধি এবং অন্যান্য কর্মীরা এখানে অন্তর্ভুক্ত।

বস্তুগত প্রমাণ (Physical Evidence) : পণ্য বা সেবা প্রদানের সময় গ্রাহকদের কাছে দৃশ্যমান প্রমাণ থাকা গুরুত্বপূর্ণ। এতে প্যাকেজিং, ব্র্যান্ডেড আইটেম, স্টোরের অভ্যন্তরীণ সাজসজ্জা এবং সেবা পরিবেশ অন্তর্ভুক্ত। এটি পণ্য বা সেবার মান এবং বিশ্বাসযোগ্যতা প্রমাণ করতে সাহায্য করে।

এই 7P মডেল ব্যবহার করে ব্যবসায়ীরা তাদের মার্কেটিং কৌশলগুলি আরও কার্যকরভাবে পরিকল্পনা এবং বাস্তবায়ন করতে পারে, যা গ্রাহকদের সন্তুষ্টি এবং ব্যবসার সাফল্য বৃদ্ধি করে।